

平鄉縣志卷九

平鄉縣知縣靈川蘇

性禾村纂輯

教諭霸州吳曾榮泐

定

訓導常山呂有志荔菴

人物

古稱燕趙多感慨悲歌之士余觀於平俗簡地厚人物產  
 於其間者多實少浮吾惡知今不異於古所云耶自漢以  
 來敦氣節重名義卓犖不羣者固不乏人下之卽狷介自  
 守不苟附和者亦往往有之茲役也士善之長不忍擯棄  
 平鄉縣志

卷九

人物

一

孟子云與人爲善此物此志也至於變化氣質禮樂陶淑  
 古訓昭然吾終欲平之不闕於今也志人物

平鄉縣志卷九 人物仕蹟

平鄉縣知縣靈川蘇 性未村纂輯

教諭霸州吳曾榮沛生 參定

訓導常山呂有志荔菴

仕蹟

後漢

時苗 壽春令避操亂隱太平鄉詳見古蹟

明

尹質 字秉文任溫縣教諭選遼東經歷陞湖州府通判督水利民多賴之陞安樂州知州再陞

平鄉縣志 卷九

雲南安寧鹽司提舉卒安甯葬湖州府祭酒胡儼表其墓英偉忠直在太學候太祖駕出俯陳時政授主事奉使陝西察官吏得失極稱其公平

黃載 任禮科給事中陞通政使直道不避權貴

焦傑 字子聲永樂丁酉領鄉薦以德清教諭拜監察御史剛介自持豪縱迹分按貴州江西

尹鏜 治贓吏鋤豪強時兩淮鹽法弊甚宣宗詔風厲者以往鏜被命至定鹽法之重輕嚴商賈

之私貨陞江西按察使尋調陝西值關中亢旱民多流離鏜舉文公救荒四政行之民賴

全活年五十一卒墓在城東里許

史魁 任靜樂令薦知蔚州奉命築洪州廣昌靈邱三城有績上勞之及去民立石頌德憲宗朝

以子諫貴詔進奉政大夫

王寅

字時正任鎮遠縣知縣勸農興學請託不行

韓

憲委按卒與辨理端持金謝寅却

世

之曰明爾寬吾之職也何謝為

發

衆皆難之燾獨毅然至則持公是非曲直裁

決

意恤民預修荒政兩浙大飢朝廷遣大臣

政

貨獨金華民粒食無恙迎養二親於官出

在

社科村崇祀鄉賢祠

張學禮

字以立聰穎絕倫過目成誦下筆數千言立

韓儒

與張學禮同時苦志讀書雖夏月不輟燈火

王可信

字子忠寅之孫登嘉靖癸丑進士授廬陵知

平鄉縣志

卷九

人物仕蹟

馬之服

未遑左大飢遣信持節給餉邊軍賴以安  
亥京師戒嚴可信督餉守垣毅然不辭陞  
中出守襄陽有穀城赫某怙惡害民即正  
法又有大使黃某進稅餘三百金可信正  
却之襄宗驕悍有司常被挾持可信處之  
禮御之以法肅然不敢犯丙寅秋大水城  
沒者一尺可信晝夜巡躬督水手救濟全  
以于計陞河南運使曰雙親年踰七旬吾  
得三品服色養親足矣何以官為遂抵家  
杜門謝客不與外事人咸謂有祖風云

羅時中

字從道仕醕安令醕有礦稅樣緞前令海瑞  
罷之時中繼至吏胥請復之時中曰海公較  
若畫一吾惟守而無失足矣一切善政俱如  
海公舊醕民德之有暮夜以盤金進者拒弗  
納去之日為立石建祠並稱為海羅云先是  
醕有惡宦御史某縱容族人輩肆行無忌射

平鄉縣志

卷九

人物仕蹟

四

趙恒褒

號嶠瀛由選貢領鄉薦博學工詩賦任廬江  
令邑有大蠹為民害恒褒欲剪之上官庇焉  
遂遭反噬歸築園南郊名嶠瀛別墅日携友  
人賦詩飲酒當時稱其有東山逸致所著有  
壺天集

孫夢熊

性仁厚嗜學十上京闈不第由選貢仕太原  
府通判陞雅州知州署武甯道有王指揮被  
誣懼法餽三千金求解免夢熊却之審係無  
辜王襲蔭獲全過歲荒捐俸煮粥施衣民免  
於飢寒為立德政碑

林萬邦

字泰寰性端重體豐偉令安仁冰蘖自矢歸  
裝惟圖書數卷居鄉布衣徒行與田父野老  
遊似未嘗仕宦者  
縣聘為鄉飲大賓

李步雲

字月衢任西平縣丞以剛

雲五色

字斐石性孝友恬靜寡言笑作為文章洋灑

秀媚下至歌曲嘲笑韻語方言之類靡不精

焦生露

汝寧府通判簡政清刑以德化民

字清如聰穎絕倫性孝友數世同居仕南陽

趙夢竹

禮丁艱歸一寒如故以經學教授生

徒士多宗之康熙太年入祠鄉賢

號繼新丰度俊偉學行醇正以葩經教授名

朝

平鄉縣志

卷九

人物仕蹟

五

趙據蒙

字儻英司訓寧晉陞漳縣教諭自葬其親讓

產於弟收趙蒙閱建坊官銀而被劫補還

趙之選

漳縣兌俸之飢民而盡

捐所欠皆盛德之事

字凝青生而穎異弱冠入郡庠試輒居首性

孝友自父夢錦即世未嘗南向而坐伯父夢

竹令交縣卒於官凡扶觀營墓皆自稱貸以

辦撫其孫永基成立悉以產業遺之同席張

生食餼居其前以未經鄉試例不得貢存司  
推選選日吾一先舉足後起者援例而與若  
人終此矣卒不允先世曾以三百金購郭氏  
宅半價而亂文券悉焚郭氏止存一樞選全  
界之授武強訓時母隨任念鄉井還得疾選  
風雪馳歸日三百里陞南宮諭服除補鹽山  
兩庠士素豪健選以至誠格之士習為之一  
變長子培基登進士知廣東陵水縣重修縣  
志

附錄

柴村寺碑記齊天統時有章武太守柴惠始曲安令  
柴惠元虎賁將軍柴柳舒州主簿柴洪驢渤海太守  
柴神奴趙州主簿柴養奴趙郡太守柴次周任縣令  
柴路生易陽令柴惠文栢仁令柴道廻河間太守柴  
寶香鎮遠將軍柴句龍廣阿令柴善興南和令柴景  
文襄國令柴篤于無極令柴安熹平舒令柴靈鳳襄  
國令柴龍朝邯鄲令柴隊生山羊太守柴寶榮黎陽  
太守柴靈和隔縣令柴太和五原令柴景仲上柱國  
柴懷振冠軍將軍中散大夫柴士和高平令柴世安  
廣年令柴慶義陽太守柴由灌弭祿將軍柴令和自  
馬令柴黨世上樂太守柴焦漢南和令柴韓真平陽  
令柴江驢郡主簿柴加祿光州都督柴神寶清野將  
軍柴奴桓光州主簿柴鍾離鄉豪都督柴探涯平陽  
廣平二郡太守柴世文郡功曹柴周柴秋椒柴大蘭  
柴僧業柴槃虎柴敬和樂趙顯  
唐開元塔有銀青光祿大夫左武大將游薩陁武騎  
尉游仁紀鄭州司戶李彥衡騎都尉李萬頃

金大安年碑有倉曹參軍牛思度騎都尉周紹顯仙  
遊縣丞田守香騎都尉馬瓊上柱國王克成上黨郡  
兵曹參軍趙懷忠市令上柱國萑加與上谷郡五迴  
鎮將牛庭璿上柱國林迥岷雲騎尉段留僧上柱國  
劉山岐雲騎尉田建宗宗平正趙獲議檢校市史劉  
庭璿密雲郡果毅將軍朱庭玠錄事宗平正李思慎  
騎都尉劉神嵩市隊魏侯兒

元至元朱公碑有百戶陳良知事劉聚

元三皇廟碑有大使韓玘副使趙紹祖

平鄉縣志

卷九

人物仕蹟

八

元至正楊公碑有臨洮府教授張希賢館陶縣尉耶  
律禿真任縣達魯花赤進義副尉完者高郵元提舉  
武略將軍司慶善福州新軍萬戶昭信校尉成度  
北魏王仲興幼而端謹早以文任給事左右太和殿  
中內侍御中散武騎將軍侍郎給事中出入禁內中  
餘年轉冗從僕射猶參密近爲齊師從駕征新野有  
功除折衝將軍屯騎校尉尋破賊鄧城除振威將軍  
越騎校尉世祖卽位遷光祿大夫領武衛將軍以功  
封上黨郡開國公食邑二千戶卒贈安東將軍青州

刺史

以上共七十八人皆邑人也而史書年號及仕籍本末多不可考舊志存之附錄於此以備郭公夏

五之圖云爾



忠節

明

張夢齡

一廩子讀書積苦文章粹然一出於正為人  
外和雅而內剛方署任邱縣教諭戊寅城陷  
之死

趙景閱

生員字洵盤廬江令嶠瀛公律子美丰儀善  
談論詩歌書畫靡不精曉翩翩公子也戊  
寅歲壬午兵至城下言欲印官出議當事難  
之閱慨然曰侯為一邑主有不虞誰與守閱  
碌碌諸生生存亡不足輕重請代侯出幸而議  
允此城獲全侯之惠也廟社之靈也不濟則  
以死繼之若九牛亡一毛耳乃着侯衣冠縋  
下至營反復解論不屈遂遇害合邑憐之後  
具呈按院發三十金為建  
義士坊婚奉行者不果

平鄉縣志

卷九

忠節

十

附載

尹美

舊志明時賈村社陣亡不知何處人  
亡於何陣相繼配於厲壇中今因之

國朝

夏謨

字沃宸領鄉薦初考推官改授袁州府通判  
調崇仁縣令國初山寇未靖謨推誠往撫  
為所給被獲不屈死之乾隆末年追卹節  
諸臣後裔以謨六世孫天成承襲恩騎尉世  
職補大名鎮左營千總天成病故子尊聖承  
襲拔補大名鎮中營千總派往江南勦賊咸  
豐六年三月在  
江浦縣陣亡

龐紹先

國初櫻城守禦鹽賊點火器立斃二人藥  
盡執銃撞打又斃二人羣賊圍之自喉受刃  
透腦血迸數步猶攘臂奮  
擊死之縣令厚恤其家

田浹澤 生順治四年遭土匪

李俊德韓淑禮丁玉清 三人俱營兵嘉慶元年派赴

忠祠

柴春和 生員同治元年遊

郭燻 生員郭克純之子素性傲直同治二年流賊突至使飲馬不從且罵之遂遇害同治五年

坊入祠

孫逢辰 生員咸豐十一年賊逼率馬逢辰大怒罵曰吾恨不能殺爾豈肯為爾率馬身被數創死

李之屏 咸豐末年奉府縣檄辦團練公舉團長同治二年督率鄉勇擊賊力盡被害同死者十餘人奉旨建

人奉旨建功入祠

平鄉縣志

卷九

忠節

十一

張利勇 武生素性剛勇咸豐八年賊匪入村恣肆掠利勇率眾追捕被創力戰賊逸去十一

賊匪大至利勇集鄉勇禦之身被數十創關九功王鳴盛弓萬邦等六十餘人同遇

其一門數人者有生員鄭桂生偕弟遂生常安孫近仁其同族數人者有趙桐華趙

風趙來存趙三存

劉漢英 武生勇藝絕倫咸豐十一年流賊突至漢英奮勇赴敵手格數人力竭被殺

李楊村殉難諸人 同治六年六月間泉匪竄擾境內李楊村貢生李自修生員吳石麟

辛承清耆民李次元吳吉麟民人李天保李振家等築圍堵禦村眾失利賊乘間入村焚

燒民房二百餘間殺害男丁六十五人婦女六口李自修等七人均先後陣亡其一

子兄弟叔姪因互救赴難者有李自修與其父耆民惠和有辛承清與其弟佐清子培元

裴郭氏有李文元與其婦之樂孀孫福深有  
李天保與其子曾地弟天祥俱同時捐軀遇  
害尤

平鄉縣志

卷九

忠節

十三

孝子

明

張

翽

性孝友父卒廬墓三年朝夕哭奠感格有異手築墳二丈成化間嘗旌之

史諫史誼

魁之子兄弟孝友母病焚香籲天願以身代母病果愈父卒兄弟同廬墓近墓水多

鹹二子扶木仰天祈曰隨木倒向掘之果得甘泉人皆奇之成化十五年旌為雙孝後諫

任光祿寺署正上林院監副誼中庚子鄉試任國子監學正及卒郡丞原性表其墓

霍強

家貧至孝年二十七嫡母沒三十八父沒四十七生母沒三喪皆廬於墓凡九年幾入

十猶哀慕不衰人皆謂真孝子府縣屢旌之

王虞孝

字子順母胡氏早孀曲盡孝養及卒哀毀如禮既葬廬墓哀麻蓬跣朝夕哭奠三年如一

平鄉縣志

卷九

孝子

十三

日大水至仰天泣禱水為之退六日不食子然猶生人稱至孝所感正德五年知縣丁德

以詩贈獎之

魏應魁

唐鄭公徵之苗裔徵後代孫名彬者明初由鉅鹿遷平鄉魁讀書識文義父臣卒事母郭

氏至孝母壽百歲而逝魁居喪三年廬墓負土築墳高丈餘詳載訓導李一利碑記及知

縣蔣儀銘詞萬歷三十年撫按兩院交旌其門

吉勲

居北郭外家貧性孝為人傭役以養親昏則温衾晨則燎衣一日僱充按院輿夫慮遠夫

母朝夕不能繼臨行泣囑親識周恤之按院微聞其語遽令免役曰吾不忍役孝子仍賑

而旌之其後各官旌匾滿其間

張一廩

事親至孝遇親疾不翔不櫛居喪哀毀骨立有司舉為孝子學院三旌按臺五獎為人丰

儀俊整性格醇雅詩詞工麗絕倫在泮四十餘年以明經膺歲薦泣曰欲祿養而親不在矣何以任為遂終身家居修族譜建家廟全才備德見重於時

徐臺光

歲貢戊寅兵變與父可遠俱見執兵將刃其父光以身蔽之願代父死兵義而兩釋焉事聞學憲旌曰

張鳳集

父鵬霄棄家雲遊二十七年集稍長即以不見父為憂常欲踪跡又恐母失養恨不欲生母勉之曰紡績足供吾生勿以為念爾其行孝乃三年於外崎嶇數千里後過於開封府郊縣奉之以歸知縣莫象年旌其閭

魏天教

邑諸生性至孝十二歲父沒哀過成人鄉里憐之奉母數十年母老無齒教哺食以奉

平鄉縣志

卷九

孝子

周承先

故廬墓三年未嘗見齒乾隆六年奉旨建坊十七歲聞祖卒於關外乃往來二千餘里崎嶇負歸至絕糧不顧人以為難

王根生

後營村之乞人也行乞以養母出告反而母有命必跪受之人與以食受半輒辭携歸

楊洪亮

適口者以奉母自食粗惡遇修橋廟朝夕助工仍乞以自給歲事乃已橫頭村人少孤貧隨母往依外氏因居梨園寨恒借錢於戚里市肉以供母母病索肉值無錢亮以舊欠未償難於再借因割股奉之

孟傳和

以患瘡母沒後事死如生壽至八十六歲而卒孟馮馬人咸豐末年流賊奄至傳和奉繼母喬氏與伯母共藏一室賊至欲殺其母傳和跪求賊砍傷其頭傳和仍苦求不已賊乃棄之去卒俱全

潘周裔

貢生性孝友外祖家貧恐傷母意買田百餘畝賜之母老病垂危夜夢神持柬召之曰某月日具請醒以語子周裔私慮母壽不永籲天泣禱願減已壽十年以益母母病尋愈後十年母卒計其月日即母所夢期也與弟周封姪思恭終身不忍分炊家庭雍睦鄉里推重之顏其堂曰棣華

平鄉縣志

卷九

孝字

十五

義行

明

祖榮

弟生員甯宣德間毆死人命榮默白妻子曰  
吾弟青年讀書可光宗祖且未有嗣我願代  
之即自投邑解部監禁十餘年  
正統二年赦還後年九十二卒

張廣

飲嘉靖四年以身代果愈助貲修學力辭鄉  
孝事寡母讓田族叔值歲荒而賑施化里人  
以息訟天順八年知縣王濬舉為善人申撫

羅朝儀

按建坊  
旌之

李崇德

歲飢疫捐粟賑貧施棺助塋鑿義井建鄉學  
善行著聞知縣韓公陳公張公皆旌之住高  
鎮阜

平鄉縣志

卷九

義行

十六

國朝

田產玉

字岷望生員住節固店累世富厚借貸者數  
千金遭兵亂後慨焚其券鄉人德之兵至為  
害玉以穴金相贈得免兵以美女為酬不忍  
汙使老婢守之詢其家在保定還之順治庚  
辰大祲煮粥賑飢全活甚眾又首倡里中各  
出積貯計口分給普及窮人諭以勿入賊營  
使村民之免弄兵於潢池者皆其力也又設  
鄉塾為鄉中子弟延師給其薪水成就甚眾  
慷慨好義排難解紛知縣張公應麟重之解  
組時賜五十金為其子膏火費彥不自私滋  
息數百金立義學捐膏火成就多人知縣張  
公柯公太守魯公俱有碑記之見藝文志  
李登雲 壽官字桂洲節固鎮人性孝友好施明末兵  
變自度難免坐於漢壽亭侯廟側待之俄見  
一偉人護之遂免後兵復至逼之於舍西南  
之半月樓刃舉弓滿竟無恙時人異之亂定

後數千金文券盡焚之徐小唐挾金以償登雲曰此吾焚券銀也終不受以宏軒償麥數百石亦不受卒年九十六鄉人謚曰仁壽

### 李寅

介賓生員壽官桂洲孫字敬止性仁厚鄉有陳璋者負銀百兩以住宅抵償寅見而憐之遂焚券嘗建樓鄰人以寅壓地基二尺因搜灰界鄰反侵地二尺惶恐無措寅笑與之里中貧人不能嫁娶寅出銀成就者若干家自奉儉素一布袍十七年不忍棄生子二光祖天庠耀祖入監

### 蘇育棟

優貢萬秀子恬淡寡欲善行多端康熙五十八年舉者實知縣張給匾旌之宗聖裔仗義疎財樂成人美比鄉黨中婚娶之財者有求必應成就四十餘家衆有鄉德之舉堅意辭謝終成其高子二孫二俱入泮食饌人以爲盛德之報云

### 曾良民

平鄉縣志 卷九 義行 十七

### 劉萬貴

拾張惠芳銀五十兩分毫不昧友兄弟墮鄉里貴有淫媵哇地遇水決官欲杖之合鄉數年人代爲堵塞儒學教諭鄭廣緒訓導陳勤典史魯秉乾同姓其間曰善動一鄉

### 武福守

辛寨農夫性篤友于兄福高年近八旬無子凡力食所得先以奉兄數十年無惰容介賓生員天性醇謹友愛弟姪教子嚴切睦族黨和鄉里遇有爭訟輒多方排解其助人

### 劉玉署

熒券不索 嬌甚衆恒 孝弟力田居心醇厚舉爲耆英與論愈字嘗遇某盜其禾稼見之色沮思忠憐其貧而多與之賜以雙履其人愧服終身不犯其居心類如此與弟農官思孝相友愛皆年登大耄子永盛入泮家運

### 劉璇

漸昌人稱善報焉 素性耿介非分不取好善樂施鄉人皆感之



劉珍

天性慷慨勇於赴義視奸猶子代置房產若干毫無所私與人無汗鄉里重其品望邑諸生居尹村橋家富好施里中多蒙賜恤寒士之與其子同讀者每給薪水少於節固店關帝廟讀書後廟傾圮獨力修之道光三年大水難民自鄰縣來者絡繹不絕連登於村外造房屋儲薪米以賑之數月不倦全活甚眾壽至七十餘歲而卒子孫紛列庠序子爾常任棗強縣訓導鄉里咸稱樂施之報不爽云

郝連登

邑諸生冬月施穀濟貧有某黃昏邀至其家求代立嗣允文正色拒之即急避出後病危始述其事

董允文

精外科施藥治瘡保全甚眾壽七十九而卒

趙德彰

字敏求千總職銜住馬魯村素性慷慨同治二年流賊肆擾鄉里欲築寨自保苦於無資

遂好古

平鄉縣志

卷九

義行

六

徐文煌

好古獨力任之捐錢二千餘緡穀數十石寨成貧民避入者煮粥食之釜甑不給命同里代炊以食壽八十餘而卒

薛克孝

住徐田莊邑有鎮西堤以防水患歲久堤嚙來重墮等村屢被水淹文煌倡義修築並捐其沿堤田數畝為經費堤成水復故道值歲大飢文煌貸粟鄉里貧者每藉以獲濟

張懷珣

家貧質布營生嘗於中途拾首飾一匣行數里外遇一少婦泣於河平欲投河克孝阻而問之婦言借物遺失欲以命償克孝知其前所拾為婦遺物即出匣與之

張中選

字登瀛廩生天性友愛父母腫沒有弟三人皆幼中選撫養成立令其各執正業同居數

賴以存活

十年內外無間言其授徒不計修金成全者甚眾

### 李維德

字丕顯孝友成性幼失恃外祖與之田數十畝維德不以自私歸於父既而父與繼母皆卒遺異母弟妹各二撫養成立為擇婚嫁後兩弟欲析居維德自取田產之薄者析券既成弟以兄所得之宅為便利維德即慨然許以互易嘗貸族人錢數十千再償又索輒復償之卒不與校子筆生恩貢生孫曾踵列貢舉人以為厚德之報不爽云

### 張學渠

字敬西監生好義樂施戚族中婚葬乏貲者恒賙恤之同里史某因貧鬻子學渠代為贖回且周以粟歲飢學渠煮粥以食飢民待哺者日數百人迄今子孫蕃昌監生字潤甫性剛方生平多義舉建宗祏置祭田排難解紛里中賴以息訟者四十年又於家塾損資延師聽寒士來學郡邑中各置試館以為應試者寓寒士多藉以有成迄今

### 潘滋

## 平鄉縣志

### 卷九

### 義行

子孫蕃昌科名不絕人以為滋之餘澤云

### 馬士亨

邑諸生好善樂施有山西布商李姓借制錢四百五十緡在鉅邑開一布店後以貿易失利賠折殆盡同籍時率一騾並携幼子登門泣告曰乞暫留此相償容有日也士亨正色却之復贈路費客不受愧謝而去

### 龐浩然

生員字充字慷慨練達事繼母以孝聞四十喪妻終身不娶族問舊無祠堂浩然捐貲創建合族感其義出貲共成之尤留心於喪禮著喪禮輯要一卷壽八十三歲而終

### 劉坤柔

增生喜急難好排解里有田生家貧無以自給坤柔約村眾設方以陰濟之遇鄉鄰搆怨每竭力理勸以故里中息訟者三十年

隱逸

明

郭賢德

幼負志不羣通古經當路薦於朝洪武五年

趙潤

潤初為諸生後棄舉業潛心理學究極羣經

各有訓述又著孔集大成顏子語錄孟伊問

答等書三十餘帙嘉靖十六年督學御史楊

國朝

羅癡

字秀仲歲貢自食餼後遂屏棄科舉之學篤

志古籍兼習聲韻所著有石門山樵等書性

平鄉縣志

卷九

隱逸

三

李之和

道其名終不納至易簣前一日始為

其子廩生斯架言之其制行類如此

道光乙酉選貢字節之號漱芳歲貢文械子

少失恃事繼母以孝雙親衰老俱患痿痺常

在床蓐朝夕侍左右未嘗離七年如一日讀

書有卓識穎悟過人嗜學不倦嘗謂儒者所

重不在詞章慨然有述古之志後絕意仕進

益潛心經學旁及醫卜星算音樂無不精通

郡縣聞其名爭以禮羅致欲以覲面為快卒

不往晚年酷好琴築茅屋三間題其額曰樂

琴書意蓋慕陶也靜坐無事輒鼓琴自娛生

平著書甚多經學有禮記集說易存參宮

室圖說醫學有漱芳六述六述補遺外科六

述補遺本草襍著有漱芳襍抄與圖集畧勾

股圖說算法輯畧無用墳談子平輯要姓氏

百韻著琴譜未竟而

卒子炳麟續成之

仙釋

漢

木

羽

劉向列仙傳云羽南和平鄉人也

國朝

大光禪師

馬康村華明寺高僧也原係江甯仕族擢  
魏科任總鎮棄官削髮雲遊五臺終棲華  
明面壁四十餘年圓寂於康熙丙辰湖稽  
年代殆明末世亂而隱於釋者歟歸寂時  
自為荼毗留囑村眾將遺灰貯匣建塔據  
父老傳聞每遇雨雹塔頂輒出火光數丈  
止雹即

牙鄉縣志

卷九

仙釋

三

列女

明

李芳妻周氏

年二十六夫故姑七旬子在襁褓氏事姑撫孤曲盡孝慈姑老疾不能動

趙旻妻馬氏

履氏運滌溷穢十八年無倦色姑卒殯葬如儀永樂十八年旻表

魏擴妻李氏

年二十二夫故有遺腹父母憐其少未產冀生子為趙氏宗祀計耳月餘果生子撫之終其身正統三年旻表年二十七夫故舅姑垂白二子在襁褓誓志死守績紡以事舅姑教二子成名正統十一年氏七十有七奉詔旻表建貞節堂舊志有翰林檢討江奉記畧又李一利碑記中有斷耳守節兩奉旻表之語

平鄉縣志

卷九

列女

三十二

李敬妻徐氏

年二十一夫故子未週歲舅姑且老氏教養撫育刻苦終身成化十四年

韓輔妻李氏

年十六歸韓輔輔故子方週月氏撫育成立荼苦終身宏治五年旻表

三世貞節

焦岷妻張氏焦涇妻田氏焦奎光妻張氏一門姑嫜也張歸岷方十六歲四年岷沒

誓以死守訓子讀書嚴禁三姑六婆鄉評重之田歸涇方十五歲涇沒誓守如姑志

姑疾以針指市藥衣不解帶者三月每夜泣禱於祖廟願以身代張歸奎光數年光

卒於京遺一男方兩月張紡績育子成立隆慶二年按院以三世貞節旻表

田士儒妻史氏

年二十三夫故苦節堅貞撫三孤小皆成立隆慶十二年縣以申於按院

旻日盛

世碩烈

寶 熠妻焦氏

年三十熠卒子擴天方三歲氏守志教子備極辛勤擴天人泮以事聞於按院旌曰天植完節時天

徐自笙妻胡氏

啓五年後壽至七十餘年十八夫故有遺腹三月生子項氏甘貧育孤至於成立懷宗六年按院吉公兵備道盧公知縣陳公皆旌其門壽七十

朱國棟妻郭氏

棟卒母老子幼氏二十五守志不二戊寅遇兵不屈被殺復蘇懷宗十三年歲大歉姑憐其貧苦欲嫁之氏聞即服毒死

劉三重妻馮氏

三重為府椽卒氏年二十四子完初甫七歲上無伯叔中鮮兄弟甘貧誓守撫育完初迄於成立完初孝養備至生事死墓曲盡其禮孫廩生鐘拔貢鼎庠生鐸皆氏慈教成之懷宗十四年按院衛公順廣道歐陽公知縣

平鄉縣志

卷九

列女

二十三

朱公交旌其門

兩世貞節

廩廩生馬聰妻劉氏年三十二夫故子好仁在遺腹既葬而生氏事舅姑撫遺孤克盡孝愛清修苦節迥出人表五十餘年如一日知縣唐嘉其志節具實奏聞且紀於昭慶錄好仁先節婦卒妻史氏能躡節婦志人稱為繼美云劉氏生於正統乙丑卒於嘉靖壬午舊志遺漏今附載於此

生員李宗洙妻譚氏

年二十七夫故子方幼家且貧舅姑垂白氏日夜勤女工易薪水以仰事俯畜子建和孫芳龍皆為諸生氏教養力也守節四十二年懷宗十四年按院衛旌之且賑以穀

戊寅殉難諸婦

寶自成妻李氏年十八兵欲逼之義不辱被殺 徐廣妻賈氏年二十聞

城陷卽自投井死 韓克儉妻蘇氏  
年二十四素事姑孝城陷先匿其姑  
然後投井死 侯文炳妻趙氏有姿  
色被執不辱遂見殺 按壬午城陷  
越數日拔營去人以為不復來也皆  
入城中婦女死節者甚眾諸井皆滿  
至城中婦女死節者甚眾諸井皆滿  
月餘刑臺主簿慕公來攝縣篆命人  
撈出則肌髮潰落面目不可復識矣  
俱彙葬郊外為詩祭之有紅顏不愧  
生前節青史獨

許爾捷妻聶氏

遺死後名之句  
捷與戊寅之難旋值凶饑氏奉姑撫  
前子賡泰苦節終身宏治年知縣唐  
澤詳請旌表。按戊寅係本朝兵  
至舊志稱唐澤請旌恐悞疑是順治  
年知縣唐  
衍敬事

平鄉縣志

卷九

補遺

馬青雲妻竇氏

住東李村甲申之變土寇薄村劫財  
漁色或告氏曰盍避地窟中氏曰與  
其污而生母甯清而死偕其女同死  
於井蓋女已及笄以一死兼全女節  
住西李村氏年十五童養夫家篋為  
人素不檢氏屢勸不悛後以不檢逃  
亡無耗氏安心守貧乃翁德純哀其  
窮使鄰婦勸之嫁氏曰夫一而已可  
再醮乎且貧苦命也吾自安後或傳  
其夫死於沙漠氏恐其翁復逼嫁竟  
抑鬱而死

王集妻竇氏

而

國朝

陳振茲妻王氏

順治六年氏年十四于歸方三日被  
土寇掠不屈賊將逼之忽以磚擊破

賊首逃見殺至死罵不絕口

李若杜妻王氏

德王府典膳王鳳竹女年十六適生員李汝瑜子若杜父子相繼病歿氏欲以身殉親戚勸以撫孤存禮乃剪髮投棺矢志靡他紡績餬口延師教子昌亦克成母志早游邑庠氏勤苦嚴肅頹老弗懈四十八年如一日授院縣學各有旌獎

李存福妻任氏

早寡遇強暴不辱甘貧靡他撫子昂基成諸生有剔目畫荻之風年七十餘蒙學院蔭給匾旌獎

生員孫我傳妻秦氏

我傳雅州刺史季子早卒氏年十六子女俱無誓志守死伯兄憐之以仲子恒茂承其嗣氏節烈相舟教嚴能丸訓子恒茂孫

平鄉縣志

卷九

列女

三十五

蘭孫成諸生按院蘇公桑公府憲王公邑侯田公韓公陳公張公皆旌其門

周永清妻王氏

廣宗縣生員王桂宣女清歿子幼氏守貧苦二十五年撫二子鎬鉉入泮

劉可立繼室于氏

嫁可立三年而寡年二十五育前妻幼子斗月又育斗月子昌世年八十一歲乃歿

李登仕妻劉氏

氏劉季冬女寡居三十六年子之茂孫廷佐皆列諸生人以爲劉氏之教

生員田浹澤妻

氏從夫罵賊而死

郭義妻黃氏

十七歲適義未三載義卒氏無子甘心守節事舅姑備經茶苦或竟日一餐或終日不火年登七旬強壯不衰



王有為妻劉氏 年十九夫故子克生甫三月氏誓不改嫁撫孤事翁姑艱苦備嘗四十餘

一年如一日

彭璠妻王氏

年二十三孀居舅嘗患病醫云藥引用婦人瓜甲氏恐不效截指一寸時

監生李致中繼室馬氏

貢生馬國柱女年二十一夫亡氏撫教前妻子述先補邑生員鄉黨重之

劉完初繼室郝氏

慈淑和順世無與比早寡撫前妻二子鍾鼎視如已出訓誨成立二子皆以文名鼎拔貢生鐘歲貢生前院縣皆旌其門

生員劉沅繼室李氏

年十七歸沅二十生一女二十夫故二十五女亦亡氏紡績

平鄉縣志 卷九

列女

二六

生員馬行舉妻李氏

年二十三夫故孑然一身無舅姑子媳誓以死守晚益貧薪水自給七十歲終餓而死

生員李永福妻雲氏

邑孝廉雲五色孫女十七歲適明經李鄴侯子永福逾年生子昌隆彌月夫故氏以母兼父寓慈於嚴撫子成立食餼府庠康熙六十年學

陳旌曰貞松高節

張其龍妻朱氏

居柴口村前戊寅其龍從旗員住北浙江病故氏崎嶇數千里扶柩歸葬守節三十年壽登古稀且育宗嗣裕後昆康熙年間知縣莫象年旌其門以為節同孟姜云

增廣生李含白妻陳氏

適含白二載而寡姑病癱輾轉床褥者十三年氏扶持必親污穢手滌後繼姑抱病十餘年氏奉事如前迨翁姑歿經理三喪克襄大事撫姪雷為嗣如已出治家嚴而有法內外肅然乾隆元年旌表

竇保住妻薛氏

被叔翁竇五昏夜圖姦羞忿投井乾隆七年部議將五斬決奉旨旌表

監生李珩妻孫氏

年二十三歲夫故氏欲以身殉老姑無依苦勸之乃止姑病癱氏代姑奉事老姑至八十餘歲教子文祥讀書入泮乾隆六年奉旨旌表

貢生買汝礪母趙氏

教子貢生汝礪孫副貢萃廩生黃讀詩書務正學治家勤儉年

平鄉縣志

卷九

列女

二十七

賀錫民妻趙氏

二十一歲夫故撫子世英含辛茹荼年八十四係四人能繼書香雍正元年知縣趙道

黃道鑿妻張氏

夫不歸翁病癱氏典簪珥以供湯藥姑失明每飯手奉撫教二子艱苦備嘗雍正九年知縣宋之璉給匾

廩生張文斗妻張氏

二十七歲夫故姑老子幼氏辛勤問視如夫在日二子能言即教以義方後長子宗思食餼次子宗華補增生至今恪守遺範皆氏之教也

周士琮妻陳氏

夫卒子之鳳方週歲氏甘貧育孤教之入泮知縣李時憲給匾旌之

李輔世妻周氏

夫卒氏年少誓守節義以姪鳴琅嗣延師教之入邑庠縣旌其門

焦學禮妻徐氏

氏年二十一歲夫故奉事翁姑克盡婦職姑病晝夜不離左右每夜祝禱

神祇願以身代教嗣子鶴鳴讀書入邑庠乾隆十一年督學呂給匾旌獎

智世錫妻周氏

年教子入泮乾隆十一年知縣徐宗

淮給匾旌之

張溥祈妻徐氏

二十三歲夫故事結至孝晝夜不離左右者二十餘年撫姪如攻同已出

教之讀書入泮諭以大義攻與諸父分產甘受下者毫無怨言蓋氏教之

讓云

平鄉縣志

卷九

列女

三六

楊宏量女

住橫頭村宏量無子惟一女許嫁南和縣胡田村侯姓未娶其夫出外久無音耗父

欲改嫁女以親老無倚誓不適人父歿喪葬如子以紡績事母茶苦百端性嚴肅類

族罕見其面四十年如一日

徐思忠妻李氏

田莊人二十六夫故事舅姑不避寒暑教幼女嗣子嚴而有法嘗典衣買

石以表夫墓

龐俊英妻馬氏

年二十八夫故囑曰龐氏無嗣爾懷孕儻生一男能善撫之以行宗嗣吾

死亦瞑目矣後三月生子士貞氏迎姑於母家養生送死日夜織紉教子

讀書入泮

馬三秀妻馬氏

二十五歲夫故守遺腹子福高俾至成立家貧紡織以事舅姑克盡孝道

鄉里稱之

烈女王貞姐

乾隆年間丁奉周童養妻也姑命出看田禾遇強暴欲汚之不從因被刃傷無數而死手猶堅握袴帶不釋知縣韓公詣驗手始自開韓異之歸書主牌送節孝祠演戲招眾聚觀俾傳述之

生員王起元繼配李氏

十九歲夫故遺男女各一氏上事翁姑下育子女數十年如一日七十歲卒乾隆三十三年奉旨旌表

李繼孔妻劉氏

夫故時氏方二十二歲子方週歲逾年翁亦去世氏事姑撫孤備歷艱苦後子成德弱冠入泮學憲郡邑儒學皆旌其門孫應箕丁酉選拔應魁優貢迄今會孫元孫猶踵列庠序人以爲母之食報云

平鄉縣志

卷九

列女

三九

一門雙節

張光祖妻左氏年二十七而寡遺子丙申尚幼氏竭力撫育及長娶婦遂氏數年丙申亦亡遺二子俱幼遂氏方二十五歲姑媳相依栢舟並勵一門之內雍雍如也姑壽逾八旬遂氏七十餘而卒

張達時妻徐氏

年十九夫故氏孝順翁姑撫姪若已出八十餘歲卒

謝清和母李氏

二十三而寡撫姪清和爲子孝事翁姑教子成立八十餘歲卒

增生王獅霄妻胡氏

二十三歲夫亡無子氏孝事翁姑申年翁患癱疾飲食待人氏朝夕奉養歷久不懈嘉慶十一年奉旨旌表

李浩然妻姚氏

二十三歲夫故無子氏代姑持家甘旨親奉善待夫弟厚恤諸姪爲夫立後五十歲卒

張士魁妻黃氏 少寡無子家赤貧誓不他適事姑孝 年奉 旨旌表

董琴書妻王氏 二十九歲夫故孀居六十餘年 未嘗輕出戶庭壽九十餘而終

周粟生妻史氏 年二十四夫故子幼矢 志守節壽至七十六歲

劉懷慶妻陳氏 監生兆祥女二十二夫故親老子幼 矢志守節終事雙親教成孤子孀居 四十四 年而卒

年而卒

生員劉懷玉妻李氏 年二十九夫故堅貞自矢孝事 翁姑撫養孤兒壽七十歲而終

馬士玉妻張氏 二十一而寡無子選姪為嗣愛如已 出非歸省不出閨門壽八十餘而終

張懷纏妻馬氏 二十四而寡一女甫週歲不能自給 或勸之嫁氏不聽事翁以孝教女讀 書日啖糠 糲如也

書日啖糠 糲如也

平鄉縣志 卷九

列女

三

潘文英妻梁氏 二十七夫故家貧親老 竭力孝養七十五歲卒

黃德位妻董氏 年二十二夫故子生數月氏上事翁 姑下撫孤子孝慈兼盡壽八十餘卒

徐濟世妻羅氏 年二十二而寡子生甫七月矢志不 嫁教子以義十八入武庠學憲曹公 旌其 閭

旌其 閭

張玉輪妻馬氏 二十四歲夫故子少且愚氏盡心 養育為之娶妻生子壽八十歲卒

張澤身繼配賀氏 二十二歲夫故子擲生甫數月氏 上事翁姑下撫孤子後楓列邑庠 為一鄉望孫光煥光蘭 亦列邑庠皆氏教也

為一鄉望孫光煥光蘭 亦列邑庠皆氏教也

倪文妻張氏 二十二歲夫故撫遺腹子坤成立堅 守貞節織紡度日訓子讀書七十八 歲 卒

歲 卒

游逢冕妻安氏

二十五歲夫故矢志靡他訓子基昌入泮宗師金公旌其門

張恒緒妻閻氏

二十一歲夫故無子鬻妝奩以奉翁姑姑患痢日夜侍疾月餘弗懈擇堂姪為嗣愛如已

張仔元妻謝氏

二十一歲夫故誓不再醮事翁姑孝撫姪如已出覽經史工書畫一鄉皆推重焉七

兩世貞節

生員田億年繼妻孫氏二十二夫亡子安保甫四歲氏撫孤成立娶妻劉氏不數年

安保亦卒劉氏母家憐其年少勸他適劉氏矢志靡他依姑其守姑近八旬不能自食氏代舉匙箸日滌污穢三年無倦志人咸稱其節孝能踵姑志云

張秉信妻侯氏

二十一歲夫故親老子幼苦守六十年壽八十一歲而終

平鄉縣志

卷九

列女

三

太學生夏雲錦妻閻氏

二十九歲夫故氏奉姑撫子勤苦備至教子習武入泮壽六十餘而終

劉占魁妻景氏

二十五歲夫故子元亨甫三歲氏訓教嚴明後中武舉壽至七十餘而終

郭重裔妻李氏

二十九歲夫故氏晨昏奉侍不遺污穢苦節五十餘年內外無間言八

十三歲卒

竇考中妾周氏

十七歲夫故欲以身殉姑多方解慰許視罔若女為之擇嫁氏哭數日卒乘關自縊論曰嗟乎人之所難者死也而朝廷旌節婦不旌烈婦者始防輕生以重民命歟然如周氏者年少賤賤易於逼奪勢難終守其奉親撫後又有嫡室任之於是一死以全其從一而終之義烈也即節也亦可風

矣僕欲訪其墓而旌之

喬恒德妻張氏

二十六而寡翁七旬子太和生僅八月氏孝慈兼盡訓子成名

徐 愛妻謝氏

二十八歲夫亡子二家極貧值歲大歉恒數日不舉火母家逼令他適氏

憤不歸者數年次子夭亡撫長子成立勤儉和婉七十餘而終

程希仁妻霍氏

夫亡氏甫二十二歲無子前室子方四歲氏撫愛如已出孝事翁姑四十

三歲卒

生員張富春妻李氏

二十二歲而寡子幼家貧姑歿攜子往依母家不數年父母亦

卒遺一妹一弟氏兼撫養成人皆其紡績之力也六十三歲卒

生員郭 傑妻趙氏

增生近光女二十三夫故無子以姪克勤為嗣克勤有聲賢序

平鄉縣志

卷九

列女

三二

後為名醫與弟姪終身同居皆氏力也七十三歲卒

徐 班妻周氏

二十四夫故三子尚幼家赤貧或勸之嫁氏誓死靡他晝夜紡織撫子成

立六十餘歲卒

雲承宗妻馬氏

二十五夫故逾二月生子漢章翁早卒姑老失明氏出入扶持無倦意一

日失火延燒房屋烟焰蔽戶警姑阻於室內氏冒火而入負姑出竟兩全

教子以義入邑庠

郭 燦妻馬氏

武生斯立女二十九夫故事翁姑始終不懈教子甚嚴子以德入泮卒年

五十六歲

李 唐妻王氏

年二十五而寡翁姑卒遺夫弟尚幼氏服藥通乳以哺之鞠養及長為之

趙相恒妻逸氏

娶妻生子女各一弟婦旋故氏又竭力撫姪以至成立李氏兩世賴以不絕氏之力也

徐升雲妻孫氏

二十而寡無子女氏矢志不二或勸之嫁氏不應而志愈堅擇姪為嗣七十餘歲卒  
自為婦後善事翁姑姑嘗患癱衣食溲溺罔不需人氏左右就養污穢親滌每夕焚香拜禱於龕君前願以身代如是者三年不懈姑逾七十而卒翁患怔忡氏扶持之一如事姑時翁八十歲卒氏勤儉終身教子成立九十三而終

聶源清妻張氏

二十七夫故遺子淑林方七歲曾祖姑八十餘患癱疾祖姑六十餘亦衰

平鄉縣志

卷九

丁守謙妻任氏

弱氏竭力奉養始終不懈壽七十餘而終  
年二十夫亡翁老姑歿夫弟尚幼氏事翁以孝篤愛夫弟和睦諸姑遺腹生子永祥鞠育成  
立氏年三十五卒

馬秉文妻趙氏

年二十暑夜獨宿有惡少窺知持刀突入逼奸氏不從力拒被斷一指喊罵愈厲惡少怒以刀斫喉逃出適有鄰人聞聲過問氏未氣絕自言惡少姓名而死因獲免訊實  
律究現隨案援例請旌

喬姓雙節

咸豐末年六月流賊猝至喬鴻模妻鄭氏偕姪女逃出遇賊逼之不從賊截其手而死賊欲污其姪女堅拒被殺蓋姪女已適人時歸母家故同遇害也

武生張書歲妻章氏

二十六歲孀居矢志靡他奉親以孝育子以慈卒年七十有四



知縣馮公廣宗縣  
鄭中丞皆旌其間

路秉全妻張氏

二十九夫故夫素多病氏典賣簪珥  
百方療治夫亡姑已老三子俱幼氏

紡績奉姑抱子灌園勤苦  
一生卒無他志壽五旬餘

徐銘世妻楊氏

二十七夫故無子家貧翁姑皆歿氏  
紡績自給擇姪為嗣教養有方誨孫

望憲入  
邑庠

武方鏡妻丁氏

二十五夫故遺子玉科僅三歲  
事翁姑孝教子嚴子已入泮

郭根成妻石氏

二十一夫故無子翁姑衰老氏問寢  
視膳終無懈志翁姑卒立族姪為嗣

孟毓志妻程氏

適毓志年十八而寡撫姪為嗣  
守節七十七年壽九十五而卒

王雲岫妻駱氏

年二十歲夫故無子姑卒遺夫弟雲  
峯甫四歲撫養成人勉其勤學入泮

平鄉縣志

卷九

列女

三十四

史先魁妻董氏

二十八而寡二子俱幼家甚貧氏抱  
子掘菜採薪度日後家業漸昌二子

皆成  
立

潘五常妻朱氏

二十九夫故遺一子尚幼叔翁姑亡  
遺一子亦幼氏撫養一子一弟俱至

立成

李和梅妻霍氏

二十九歲夫亡子亦早逝父母欲奪  
其志氏不聽紡績自度後擇姪孫與

亡子承嗣一家  
和隣鄰里重之

生員李廷譽妻鄭氏

二十八夫故撫幼子孝翁  
姑勤儉持家壽七十八歲

郝懷智妻趙氏

二十九夫亡遺一子及長為之娶婦  
後子歸俱亡嗣異姓為孫又天零丁

孤苦鄉  
里憐之

夏尊壽妻李氏

年二十九夫故遺子週歲家亦貧氏撫孤操作勤苦備嘗鄉里稱賢淑焉

李元登妻蔣氏

二十六歲夫故無子翁姑以家貧勸其他適氏指曾祖姑節孝坊曰此即吾之志矣擇姪芳春為嗣

馮子方側室蘇氏

年二十二夫故子景昇方四歲姑得癰疾氏朝夕奉侍三十年不懈教子嚴明卒以成立

李九功妻黃氏

二十三歲夫故子未週歲氏孝事孀姑撫育孤兒迄今四十年子成立諸孫統膝內外無問雍雍如也

劉興能母徐氏

二十九夫亡後二月生興能夫為伯父承嗣姑年邁失目本生翁姑亦老而無依氏晝夜紡績兩門生事死葬皆任之子亦成立

平鄉縣志

卷九

鄭知德妻馬氏

武生建德之女二十二歲夫亡子女皆無氏上事翁姑曲盡其孝撫姪鐸為嗣愛如已出靜守

喬純和妻王氏

年二十夫故無子矢死靡他孝事孀姑嗣姪為子愛如已出孝慈兼盡鄉里稱之

王麟定妻李氏

二十一歲夫亡逾月生一子祖姑失自孀姑亦多病氏懷抱藐孤上事雙姑親夕不離左右奉湯藥滌

靳舒旺妻朱氏

生員榮光女二十四歲夫故生子麟月誓死守節孝事翁姑嚴教子姪卒以成立

郭灼妻馮氏

二十一夫亡無子翁姑俱老氏朝夕奉侍不衰嗣姪為子教之成立

張玉佩妻王氏

二十九夫故姑盲子幼貧不能給氏晝夜紡績竭力事姑撫子成立

路榮桃妻王氏

年二十四而寡翁姑就衰氏朝夕奉侍曲盡其孝子天化尚幼教之入泮

劉中立妻張氏

二十七夫故子僅七月姑病癱氏事病姑攜弱息艱苦備嘗卒撫子成立

武生黃雲瑞繼室李氏

年二十六夫故無子姑亦去世氏事翁盡孝族間無可嗣者因養甥為子亦早亡撫幼孫成立家停四柩積紡績餘貲為之營葬

生作舟繼室李氏

二十三子歸未週歲夫故翁姑已歿與兄嫂同居敬禮兄嫂無異翁姑前室遺子女各一子尤幼氏教養備至子德一已入泮食餼

孔廣凌妻閻氏

年二十夫病氏與醫珥百方醫治不效夫歿欲以身殉因親老子幼乃端

平鄉縣志

卷九

列女

三十六

鄭名顯妻靳氏

二十一歲夫故無子氏守節三十餘載未嘗輕出戶庭有故而出必令人

隨之

趙端妻董氏

二十九夫故無子翁姑七十餘未逾年亦相繼去世立姪為子拮据度日

嗣子又天惻惻苦節歷久不易

烈女門補遺

王振江妻朱氏

適振江三年夫故氏年二十一歲苦矢栢舟姑先歿奉翁盡孝叔翁八歲失恃賴氏扶養成立卒年七十六歲

丁先姜妻王氏

年二十三而寡孝事祖姑及翁姑生養死葬備歷艱辛撫幼子成立教兩孫濱渙俱入泮計守節四十年卒年六十三歲

丁先甲妻郭氏

二十九歲夫亡守節撫姪為嗣家貧躬操井臼事翁姑甘旨無缺勤儉持家漸致裕鄉鄰稱羨

楊俊傑妻馬氏

年二十七夫故子幼氏撫養成立姑患病二年氏奉侍始終無倦恪守婦道勤儉持家

平鄉縣志

卷九

列女

三十七

郝遇道側室焦氏

年二十二夫故子尚襁褓氏撫之長成娶媳生孫事嫡室甚恭家貧操井臼勤紡織卒無怨言

郝桂繼室馮氏

夫亡氏年甫十七堅志守節翁姑皆衰邁氏奉養無缺撫前室二子成立次子同文入泮補增孫曾十數人皆課讀氏一生勤儉卒年七十五歲守節五十八年前學憲沈聞其賢書慈竹長春四字額其門鄉里亦以冰操和丸匾額表之苦心勤節至今猶嘖嘖人口

李會壇妻徐氏

同治六年梟匪入境曾壇從父拒賊皆殉難時氏年二十三矢志守節父母欲奪其志堅拒不從孝孀姑和妯娌一家三十餘口從無閒言忠節出於一門人皆稱羨

會廣發妻鄭氏

二十九歲夫亡撫子娶媳抱孫事翁姑孝及及及喪葬皆如禮家貧勤紡績

辛胤祥妻許氏

年二十二而寡繼姑憐其幼勸再適不從子升堂幼教養成入泮

柴芳昭妻潘氏

生員光祖女二十八歲夫亡姑病癰久氏左右侍奉嘗湯藥滌污穢終始無懈氏通文墨撫姪為子教以詩書長入泮持家嚴無事足不踰閭

張逢泰妻侯氏

十九歲夫故姑先歿翁老奉侍無怠志撫二子成立家貧衣食均取給於十指鄰里皆推重之

徐心澤妻宋氏

二十九歲夫亡無子撫姪為嗣姑先歿叔弟甫三歲撫養成立事翁孝歲荒不得食氏日採薪夜勤紡織以易食舉家賴以保全

平鄉縣志

卷九

三十六

列女

竇開科妻李氏

二十四歲夫故家貧資女紅供朝夕事翁姑極孝遇疾病輒廢寢食翁姑相繼歿氏典衣飾治喪送葬皆如禮

侯繼富妻李氏

二十八歲夫故家赤貧一家衣食均取給於氏事翁姑孝撫子成立勤儉持家漸致小康性簡默好施與

武生趙元興妻孫氏

夫亡氏年二十九姑患癰症數載氏朝夕侍奉始終不倦生平寡言笑勤紡績

生員張人芳妻劉氏

二十九歲夫故子僅六月矢志柏舟撫子娶室抱孫事繼姑尤以孝聞

劉俊父妻劉氏

年三十夫亡事繼姑孝撫子成立姪切夫母氏撫養如己子一生和妯娌

寡言  
笑

軍功米進禮妻劉氏

二十一歲夫亡矢志靡他撫姪為子勤紡績不苟言笑鄰里頌賢

吳懷祥妻徐氏

二十一歲而寡翁姑皆衰邁氏孝養維謹撫嗣子讀書成立卒年七十一歲計守節五十年

趙存德妻張氏

二十八歲夫亡哭失聲目喪明食不下咽者數日家貧勤紡績事姑孝撫子成立

韓城妻黃氏

夫亡氏二十七歲舅姑俱患目疾氏左右侍奉日不暇食夜不安寢子年甫週撫養成立入泮

平鄉縣志

卷九

列女

三十九

徐廣生妻辛氏

二十八歲夫亡二子俱幼氏教養成立家貧勤女紅事翁姑能先意承志奉養無缺

傅大六妻王氏

夫故氏年二十六姑歿叔弟二俱幼氏教養長成娶妻生子氏無出撫嗣子承

程錫錦妻王氏

二十八歲夫亡家貧資針黹持家事舅姑養生送死皆無缺撫二子讀書長入泮

柴金鐸妻崔氏

翁早歿事孀姑孝夫亡氏年甫十九父母欲奪其志氏堅拒不從潛至夫墳痛哭欲自盡平居慎言笑撫姪為嗣鄉里重其賢送葆貞完孝匾額以表其門

王登俊妻徐氏

夫亡氏年二十歲即剪髮自誓守節家貧事翁姑必甘旨奉甚刻苦子年甫週撫之成立

王慶泰妻馬氏

二十一歲夫亡繼姑常不善相視氏奉侍維謹姑病癱危氏侍奉湯藥日不交睫者五十餘日姑感而泣曰由今思昔吾誠負汝矣撫子讀書勤紡績寡言笑無事足不出戶庭

劉成賓妻孫氏

夫故氏年二十四無子撫姪為嗣翁早歿事孀姑能順志守節二十餘年未嘗苟言笑

馬肇文妻馬氏

年二十四夫亡矢志柏舟家無恒產祖母年邁氏晨夕奉養無缺子幼撫之娶妻生孫氏現年七十歲已兩抱曾孫矣

平鄉縣志

卷九

武生劉好善妻宋氏

二十九歲夫故矢志守節撫嗣子承祧甫婚而亡惇惇無依苦節不變嘗以禮法勉諭孀媳晝夜勤紡織非慶弔事足不出門

丁錫勇妻李氏

附生李兆榮女夫亡氏年方十九遺子撫之成立事翁姑孝敬出於天性姑患勞疾五載氏侍奉無倦姑感曰但願汝兒婦亦如是孝敬生平慎中饋勤針黹和妯娌歲偶凶一家二十餘口不得食氏潛將歷年私蓄典當以接朝夕

張書錦妻馬氏

二十四歲夫亡撫孤子成立課讀尤嚴事舅姑皆能盡婦道家不充而好與施

武生馬遇隆妻李氏

二十九歲夫亡撫養二子長使習武次學文勤儉持家不苟言

笑自奉約  
面好濟貧

潘光斗妻常氏

年二十八夫亡子甫週歲而歿撫姪為子愛養如親生持家謹肅非歸省不輕出戶庭

姚金會妻段氏

年八歲金會聘欲為妾時會已四十八歲氏年十五父母欲另聘氏不可因涉訟氏節烈自誓邑令驚異遂改妾為妻年二十二而寡子年未週或勸改適氏不從撫子成立

佾生趙死廷妻李氏

二十七歲夫亡翁年邁患癱症久氏晨夕侍奉不倦及歿貧無以葬僅有瓦房三間鬻之以治喪鄉族皆稱賢

吳九星妻李氏

夫亡氏年二十翁姑早歿苦守柏舟持家勤儉教養二子長玉麟入泮列女

平鄉縣志

卷九

四十一

李峯青妻賀氏

年十九而寡無子姑繼歿翁老家無次丁氏博訪良媒為翁娶繼姑郭氏逾年生子甫四齡翁歿氏撫養周至事繼姑孝工針黹勤紡績宗族鄉黨皆稱賢